

MALITTARISASSAT

Atuutilersut 01. august 2026

18. oktober 1999 immikkut ittumik ataatsimeersuarnermi allannguutit ukunani ilanngunneqareerput.

12. februar 2001 immikkut ittumik ataatsimeersuarnermi allannguutit ukunani ilanngunneqareerput.

29. maj 2001 ileqquusumik ataatsimeersuarnermi allannguutit ukunani ilanngunneqareerput.

13. maj 2004 ileqquusumik ataatsimeersuarnermi allannguutit ukunani ilanngunneqareerput.

9. juni 2005 ileqquusumik ataatsimeersuarnermi allannguutit ukunani ilanngunneqareerput.

25. april 2006 ileqquusumik ataatsimeersuarnermi allannguutit ukunani ilanngunneqareerput.

25. marts 2011 ileqquusumik ataatsimeersuarnermi allannguutit ukunani ilanngunneqareerput.

17. april 2013 ileqquusumik ataatsimeersuarnermi allannguutit ukunani ilanngunneqareerput.

20. april 2017 ileqquusumik ataatsimeersuarnermi allannguutit ukunani ilanngunneqareerput.

Immikkut ittumik ataatsimeersuarnermi 14. oktober 2020 pisumi allannguutit ilanngunneqarput.

Ileqquusumik ataatsimeersuarnermi 9. april 2025 allannguutit ilanngunneqarput.



SISA Pension, Issortarfimmut 11/102

Postboks 9

3900 Nuuk

CVR nr. 36 52 22 32



+299 32 40 22



sisa@sisa.gl



www.sisa.gl

... Kalaallit Nunaata soraarnerussutisiaqalernissamut aningaasaateqarfia

SISA-p malittarisassai

Isumaqatigiinngittoqarsimatillugu malittarisassani kalaallisut qallunaatullu allanneqarsimanerini pillugit, inatsisilerinermi qallunaatut allanneqarsimaneri tunngaviussapput.

§ 1. Aqqa, angerlarsimaffik aamma aningaasat qularnaveeqqusiissutaasut.

Soraarnerussutisiaqalernissamut aningaasaateqarfiup aqqa tassaavoq: SISA. Soraarnerussutisiassanik aningaasaateqarfiup ulluinnarni taaguutai tassaapput Sulinermik Inuussutissarsiuteqartut Soraarnerussutisiaqalernissamut Aningaasaateqarfiat (Arbejdstagernes Pensionskasse), Soraarnerussutisiassanik Katersivik, SISA aamma SISA Pension. Aningaasaateqarfiup angerlarsimaffia tassaavoq Nuuk.

§ 2. Siunertaq.

Aningaasaateqarfiup siunertaraa soraarnerussutisiaqalernissamut aningaasaateqarfimmik ingerlataqarnissaq.

Imm. 2. Aningaasaateqarfiup malittarisassat aalajangersimanerusut tunngavigalugit sillimmasiissutissat piffissami aalajangersimasumi ingerlaavartinneqartussat ilaasortaminut aaqquissuussarisinnaavai inunnut sillimmasiisarfimmi allami taamatullu akuerisaasutut ingerlatarineqartumi.

Imm. 3. Aningaasaateqarfiup aningaasaatai malittarisassani pensionsregulativinilu taaneqartut saniatigut siunertanut allanut atorneqartussaangillat. Aningaasat inissinneqassapput iluanaarutaasinnaanerat annertunerpaaq anguneqarsinnaanngorlugu, taamatullu qularnaatsumik sillimmaserneqarsimassapput aningaasat pineqartut aallaqqaammut nalingisa innarlerneqannginnissaat qulakkeerneqarsinnaanngorlugu. Aningaasanik inissiinermi niueqatigiinnermi periutsini mianerisariaqakkat kisimik aallaavigineqartassapput.

Imm. 4. Ilaasortanut pisinnaatitaaffiit pisussaaffiillu pensionsregulativ--ini taamatullu aningaasaateqarfiup siulersuisuinit aalajangiussimasa-ni takuneqarsinnaapput. Pensionsregulativ--ni allannguutit aatsaat atuuttussanngortinneqarsinnaapput - Naalakkersuisunit kiisalu Sulinermik Inuussutissarsiuteqartut Kattuffiannit akuerineqarsimatillugit "SIK".

§ 3. Ilaasortat.

Soraarnerussutisiaqalernissamut aningaasaateqarfimmi ilaasortanngortinneqarsinnaapput uku:

- a. Inuit isumaqatigiissutit SIK -, Naalakkersuisut aammalu Finansministeriet akornanni atuuttut imaluunniit taakku assigalugit isumaqatigiissutit naapertorlugit ilaasortaasinnaatitaallutillu ilaasortaasussaatinneqartut.
- b. Inuit isumaqatigiissutit qulaani taaneqartut naapertorlugit soraarnerussutisiaqalernissaminut toqqorterisussaatinneqartut.
- c. Inuit Inatsisartut Inatsisaat nr. 21 28. november 2016-imeersoq Soraarnerussutisiaqalernissamut aaqquissuussinermut pinngitsoorani ilaanissaq pillugu soraarnerussutisiassanut akilioraanermut peqataasussaataasut.

Imm. 2. Allat immikkut ittumik akuerineqarsinnaapput Soraarnerussutisiaqalernissamut aningaasaateqarfiup isumannaatsumik ingerlaneranut innarliisussaanaatilluunniit atornerluiniartuunngikkaa ngata.

Imm. 3. Soraarnerussutisiaqalernissamut aningaasaateqarfimmut ilaasortanngorneq pensionsregulativini aalajangersakkat najoqqutaralugit pisassaaq.

Imm. 4. Ilaasortaaginnartoqarsinnaavoq soraarninngornermi, akileeqataasusnaanani ilaasortanngornermi, nammineq piumassutsimik akiliuteqartarnermi - aamma sulisinnaajunnaarnermut sillimmammit matussusiisummit akiliuteqarfingeqarnermi.

Imm. 5. Ilaasortat ataasiakkaat Soraarnerussutisiaqalernissamut aningaasaateqarfiup pisussaaffiit akisussaatinneqarsinnaanngillat.

§ 4. Akileraartarnermut tunngasut.

Soraarnerussutisiaqalernissamut akilersuutit il.il. ilaasortanullu tunniunneqartut tamarmik soraarnerussutisiat ingerlaavartumik tunniunneqartartut pillugit maleruaqqusat naapertorlugit isumagineqassapput, tak. akileraarnermut inatsit qaqugukkulluunniit atuuttoq.

§ 5. Soraarnerussutisiat inummut tassungarpiag tunngasuunerat.

Soraarnerussutisiaqarsinnaatitaaneq aningaasanngorlugulu tunniunneqartarnera ilaasortanut, katissimallugu aapparisaannut, qitornaannut pisinnaatitaasunulluunniit allanut tunngatillugu taaneqartunuinnavik atuuppoq.

Imm. 2. Ilaasortat katissimallugit aapparisaasa qitornaasalu imaluunniit pisinnaatitaasut allat aningaasaateqarfimmiit pisassariunnagaat allanut tunniunneqarsinnaanngillat, sallunaveeqqutigineqarsinnaanngillat allatulluunniit iliornikkut allanit oqartussaaffigineqarsinnaanatik. Pisinnaatitaaffiit akiitsoqarfiup tungaaniit sukkulluunniit akiliissutissanut ilanngunneqarsinnaanngillat.

Imm. 3. Malittarisassat matuma siuliiniittut aamma atuupput ataatsikkut aningaasanngorlugu tigusartakkanut.

§ 6. Ilegquusumik ataatsimeersuarneq.

Ataatsimeersuarnermi peqataassapput:

- i. SIK-ip sumiiffikkaartumik peqatigiiffii, peqatigiiffiit ataasiakkaat ataatsimik aallartitaqassapput. Aallartitalu soraarnerussutisiaqalernissamut aningaasaateqarfimmut ilaasortaassapput. SIK-ip soraarnerussutisiaqalernissamut aningaasaateqarfimmut piffissaagallartillugu ataatsimeersuarnerissamut aallartitaasussat atii nalunaarutigisassavai. SIK § 6 (i)-imi aalajangersakkat aalajangersimasumik tunngaveqarluni aallartitat 18-init ikinnerunissai nalunaarutigisinnaavaa.

aamma

- ii. SIK-ip siulersuisui, -

Imm. 2. Ilegquusumik ataatsimeersuarneq qaammammi martsimi imaluunniit aprilimi ukiumoortumik ingerlanneqartassaaq. Ataatsimeersuarneq Kommuneqarfik Sermersooq, Nuuk ingerlanneqartassaaq, tamatumani siulersuisut

inassuteqarsimanerisigut, ataatsimeersuarnerup sumi allami ingerlanneqarnissaa pillugu allamik aalajangiussaartoqarsimatinnagu.

Imm. 3. Ataatsimeersuarnermut ataatsimiigiaqqusissut siulersuisunit nalunaarutigineqareersimassaaq, ataatsimeersuarnissap pinissaa siusinnerpaamik sapaatip akunnerinik sisamanik sioqqullugu kingusinnerpaamillu ullunik arfineq pingasunik sioqqullugu, tusagassiorfitsigut nalinginnaasutigut aammalu aningaasaateqarfiup allaffiani nalunaaruteqareernikkut. SIK- aamma SIK-ip sumiiffikkaartumik peqatigiiffii piffissaliunneqartut taaneqartutuulli allakkatigut qaaqqusissutit tiguisimassavaat. Ataatsimeersuarnermut qaaqqusissut taanna elektroniskikkut e-mail atorlugu SIK-imit SIK-illu sumiiffikkaartumik peqatigiiffiisa e-mailadresseq nalunaarutigisaat kingulleq atorlugu nassiunneqarsinnaavoq.

Imm. 4. Ataatsimiigiaqqusissummi allassimassapput ataatsimeersuarnerup ingerlanissaanut atatillugu ullormut oqaluuserisassat, taamatuttaarlu aamma siunnersuutigineqarsimasinnaasut pillugit pingaarnersiukkatut saqqummiussassat.

Imm. 5. Ileqqusumik ataatsimeersuarnermi immikkoortut uku oqaluuserisassanut ilatinneqartassapput:

1. Aqutsisussamik toqqaaneq.
2. Siulersuisut nalunaarutaat.
3. Ukiumoortumik nalunaarutip saqqummiunneqarnera, kukkunersuiusut oqaaseqaataa, kiisalu naatsorsuutitigut angusat oqimaaqatigiissitsinerillu akuersissutigineqarnissaat.
4. Akissarsiat pillugit politikkip akuersissutigineqarnera.
5. Aningaasaateqarfiup siulersuisussaanik qinersineq.
6. Kukkunersuiusumik qinersineq.
7. Siunnersuutit tiguneqarsimasut.
8. Ataatsimeersuarnissap aappaagu sumi ingerlanneqarnissaa pillugu aalajangerneq.
9. Taasariaqartut allat.

Imm. 6. Ilaasortaq kinaluunniit pisinnaatinneqarpoq ataatsimeersuarnermut siunnersuumminik oqaluuserisassanngortitsisinaanissaminik, takuuk pkt. 6, tamatumani ilaasortaq piumasaqaammunik siulersuisunut allakkatigut saqqummiussaqarpat, aammalu ima piffissaalluartigisukkat siunnersuut oqaluuserisassanut ilanngunneqarsinnaanngorlugu. Siunnersuutit siulersuisunut ukiumi ataatsimeersuarfiusussami 1. februar sioqqullugu nalunaarutigineqartut ileqqusumik ataatsimeersuarnermi siunnersuutit tamatigut oqaluuserineqartussanngortinneqartassapput.

Imm. 7. Ataatsimeersuarnermut elektronisk atorlugu peqataasoqarsinnaavoq (Teams aqqutigalugu, telefoni imaluunniit taakkununga assingusut atorlugit).

Imm. 8. Ataatsimeersuarneq aalajangiisinnaassuseqarluni ingerlanneqarsinnaassappat immikkoortumi 1-imi aallartitat taaneqartut ikinnerpaamik 2/3 najuullutik imaluunniit elektrioniskikkut peqataassapput.

§ 7. Immikkut ittumik ataatsimeersuarneq.

Immikkut ittumik ataatsimeersuarneq ingerlanneqartassaaq siulersuisuni ilaasortat ikinnerpaamik 3-t, kukkunersuiis-oq imaluunniit aktuarip tamanna pissusissamisoortussat piumasarippassuk, aammattaaq qulequttap aalajangersimasup oqaluuserineqarnissaa piumasaralugu SIK-ip qaqugukkulluunniit nakkutilliisoqarfiani aallartitat, taakkua aamma soraarnerussutisiassanut aningaasaateqarfimmi ilaasortaassapput, 20 %-iisa allakkatigut tamanna piumasarippassuk.

Imm. 2. Ataatsimeersuarnissamut aggeqqusissut nassiunneqassaaq tamatuminnga siulersuisunut piumasaqarnerup pineranit sapaatip akunneri 4-t qaangiutsinnagit; tamannali aallartitanit piumasarineqarpat tak. Imm. 1. ataatsimeersuariaqqusineq sapaatip akunneri marluk qaangiutsinnagit isumagineqariissaaq.

Imm. 3. Ataatsimiigiaqqusissummut ilaatinneqassaaq immikkut ittumik ataatsimeersuarnissamut atatillugu ullormut oqaluuserisassaaq, tassanilu allassimassapput siunnersuutigineqarsimasinnaasuni imarisaasut pingaernerit, allakkatigullu ingerlateqqinneqarsimassalluni taakkununga ataatsimeersuarnissap ingerlanneqarnissaanik piumasaqarsimasunut. Tamatuma saniatigut malittarisassani § 6, imm. 3-mi taaneqartut aamma atuuttussaatinneqarput.

§ 8. Aqutsisoq aamma imaqarniliaq.

Aqutsisoq ataatsimeersuarnermi nalinginnaasumik amerlanerussuteqartoqarneratigut qinerneqartassaaq.

Imm. 2. Ataatsimeersuarnermi oqaluuserineqartut imaqarniliorneqartassapput, imaqarniliarlu aqutsisumit atsiorneqartassaaq.

Imm. 3. Imaqarniliaq imaluunniit taassuma imarisaanik uppersaasut ilaasortanit ataatsimeersuarnerup naammassineraniit kingusinnerpaamik ullut 14-it qaangiutsinnagit aningaasaateqarfiup allaffiani pissarsiarineqarsinnaassaaq.

§ 9. Taasineq.

Inuit ataatsimeersuarnerni § 6. imm. 1 tunngavigalugu toqqagaasut taasisinnaassuseqarput. Inuk ataaseq taasineramik ataatsimik pigisaqarpoq.

Ataatsimeersuarnermut peqataasut kisimik taasisinnaatitaapput. Aalajangiinerit tamarmik nalinginnaasumik amerlanerussuteqartoqarneratigut aalajangiinerussapput, tamatumani taamaallaat pineqaratik ileqqoreqqusanik allannguinerit aammalu aningaasaateqarfimmik atorunnaarsitsineq § 18 aamma § 19-mi taaneqartut. Taasinerit amerlaqatigiitsillugit siulittaasup taasineri aalajangiisuussaaq.

§ 10. Siulersuisut.

Siulersuisunut ilaasortaapput inuit 10-lit tikillugit. Siulittaasoq –SIK-imit toqqarneqartassaaq. Ilaasortaqaq ataaseq - Naalakkersuisunit, ilaasortaqaq ataaseq Kalaallit Nunaanni Sulisitsisutinit toqqarneqartassaaq, kattuffiit allat ataatsimoorlutik ilaasortaqaq ataaseq toqqassavaat, takuuk imm. 2 ilaasortallu arfinillit ataatsimeersuarnermit qinerneqartassapput. Ikinnerpaamik siulersuisuni ilaasortat affaat soraarnerussutisiaqalernissamut aningaasaateqarfimmut ilaasortaassapput. Siulersuisuni ilaasortatut qinikkat aallaaviusumik ukiunut sisamanut qinigaasassapput. Ukiumi ataatsimeersuarfiusumi siulersuisunut qinikkat affaanit amerlanerussut ataatsikkut qinigassaatinnissaat pinngitsoortinniarlugu siulersuisut aalajangersaasinnaapput siulersuisuni inissaq ataaseq arlallilluunniit qinigaaffiat sivikinnerutinneqarsinnaanerani.

Qinigaaqqittoqarsinnaavoq.

Imm. 2. Kattuffiit isumaqatigiinnarsinnaatitaasut, aamma isumaqatigiissummik minnerpaamik ataatsimik atuuttumik isumaqatigiissusiorsimasut, Soraarnerussutisiaqalernissamut aningaasaateqarfimmut akilersuisussaataitanermik pisussaaffiliisumut imalimmik piginnaatitaapput ataatsimoorlutik siulersuisunut ilaasortassamik ataatsimik toqqaasinnaanissamut. Isumaqatigiissut taamaallaat pineqarpoq immikkoortumik 1-imut tunngasoq, taanna soraarnerussutisiassanut

aningaasaateqarfimmut akilersuineq sulisorisanut tamanut pisussaaffiussaaq, taakkua atorfinitsinneqarsimassallutik isumaqatigiisummut uunga tunngavilimmik, isumaqatigiissut atortuulersinneqarsimanerata kingunerisaanik, siusinnerusukkulli atorfinitsinneqarsimasunut tunngatillugu namminneq piumassusertik malillugu akilersuilersinnaatinneqarlutik.

SIK kattuffinnut periarfissaqartinneqartunut uani ilaanngilaq.

Kattuffiit aningaasaateqarfimmut uppersassavaat piumasaqaatit eqqortissallugit imm. 2 tunngavilugu toqqaasinnaaminnut.

Kattuffiit siulersuisunut ilaasortassamik imaluunniit sinniisussamik toqqaanissaminnut isumaqatigiissinnaanngikkunik siulersuisunut ilaasortassamik piginnaatitaanerata atorunnaassaaq qinigaaffissami piffissami pineqartumi.

Siulersuisunut toqarneqartoq imaluunniit sinniisussaq atorfeqarnermini imaluunniit kattuffimmut arlaatigut allamut attuumassuteqarnermi taamaalillunilu imm. 2-imut piumasaqaatinut eqqortitsinnaajunnaarluni taava siulersuisunut ilaasortaasinnaanera sinniisussatulluunniit inissimasinnaanera atorunnaassaaq. Kattuffiit taakkua, sulii piumasaqaatinut eqqortitsisut matuma kingorna nutaamik siulersuisunut ilaasortassamik sinniisussamilluunniit toqqaasinnaatitaapput, apeqqutaalluni kina tunuarnersoq qinigaaffiup sinneranut atuuttussamik.

Imm. 3. Ilaasortaattallit siulersuisunut qinigaannut tamanut pineqartumut sinniisussaq ataaseq marlulluunniit aamma taamatut qinerneqartassapput, takuuk imm. 1. aamma imm. 2.

Imm. 4. Siulersuisuni ilaasortat sinniisussallu inersimasutut oqartussaaffeqalereersimassapput aammalu aningaasaateqarfimmi atorfeqartuussanatik.

Imm. 5. - SIK-imit siulittaasussatut toqarneqartup saniatigut siulersuisut siulittaasup tullisnaanik toqqaasinnaapput.

Imm. 6. Siulersuisut aalajangiisinnassuseqartassapput maleruagassanut naapertuuttumik ataatsimiigiasisoqarsimappat, aamma siulersuisunut ilaasortat minnerpaamik 5-mat najuuppata, tassa siulersuisunut ilaasortat 4-mat ataatsimeersuarnermi toqqakkat imaluunniit qinikkat aamma siulersuisunut ilaasortaqa ataaseq Naalakkersuisunit toqqagaasoq imaluunniit Sulisitsisunit toqqagaasoq. -

Imm. 7. Aalajangiinerit nalinginnaasumik amerlanerussuteqartoqarneratigut aalajangiinerusassapput. Siulittaasup taasinera taasinerit naligiitsillugit aalajangiisuussaaq. Illuutiniq assigisaannillu pigisanik imaluunniit aningaasanik piginneqataassutiniq nalunaarsugaanngitsunik pisinerit tunisinerilluunniit aammalu aalajangiinerit aningaasaateqarfiup atugarisaanut atasumik immikkuullarissutut taasariaqakkat imaluunniit sunniutilerujussuit pisussaattillugit piumasarineqarpoq siulersuisunut ilaasortat ikinnerpaamik arfinillit isumaqataallutik taaseqataanissaat.

Imm. 8. Siulersuisunut ilaasortat piumasaqarsinnaatitaapput akisussaaffimminnik isuaginninnerminnut atasumik aningaasartuutigisatik matussuserneqarnissaannut, tamatumani maleruagassat siulersuisuni aalajangersakkat naapertorlugit.

§ 11. Siulersuisutut isumagisassat.

Aningaasaateqarfiup tunngaviummik aqunneqarnera siulersuisunit isumagisassaavoq matumani malittarisassat, pensionsregulativ-i aammalu inatsisitigut aalajangersakkat naapertorlugit. Siulersuisut aningaasaateqarfiup allaffissornikkut ingerlataminik qanoq ingerlatsinissaa pillugu aalajangersaassapput.

Imm. 2. Siulersuisut nakkutigissavaat aningaasanik ingerlatsinermi allattuinerup (bogføring) nalilinnillu pigisanik aqutsinerup isumannaatsumik ingerlanneqarnissaa.

Imm. 3. Siulersuisut sulinissartik pillugu aalajangersakkatik suleriaasissatigut aalajangersagaliortigissavaat.

Imm. 4. Siulersuisut ulluinnarni aqutsisoqarnissaanut atatillugu direktør-imik atorfinitsitsissapput, taassumalu isumagisassaraa, siulersuisut peqatigalugit, aningaasaateqarfiup ingerlatsinerata -ilaasortanut sapinngisamik annertunerpaamik iluaqutaalersinneqarnissaa. Siulersuisut taaneqartup saniatigut aamma atorfinitsissavaat aktuari Finanstilsyn-imit taamatut akuerisaasimasog.

Imm. 5. Siulersuisut ataatsimiisinnerqartarnissaat siulersuisuni siulittaasup isumagisassaraa, tamanna pisariaqartinneqartussaattillugu. Siulersuisuni ilaasortaq, kukkunersuiisog, direktøri imaluunniit aktuari piumasaqarsinnaatinneqarput siulersuisunik ataatsimiigiaqqusisoqarnissaanik. Direktøri, kukkunersuiisog aktuarilu, tamarmik siulersuisuni ilaasortaanngikkaluarlutik, pisinnaatitaapput siulersuisut ataatsimiinneranni peqataanissaminnik aammalu oqaaseqarsinnaasarnissaminnik, tamatumani siulersuisut immikkut illuinnartunik peqquteqarlutik allamik aalajangiisimatinnagit.

Imm. 6. Siulersuisut ataatsimiinneranni oqaluuserineqartut imaqarniliorneqartassapput, taannalu siulersuisuni ilaasortanit najuussimasunit tamanit atsiorneqartassaaq. Siulersuisuni ilaasortat ilaat, kukkunersuiisog, direktøri imaluunniit aktuari siulersuisut aalajangiinnerannik isumaqataanngikkuni/isumaqataaguni pisinnaatinneqarpoq isummiussimasaminik imaqarniliamut ilanngussaqaqarumasinnaanissaminik.

§ 12. Direktøritut isumagisassat.

Direktøri, aningaasaateqarfimmi ulluinnarni aqutsinermik isumaginnittuussaaq, inuttut inersimasutut pisinnaatitaaffeqalereersimasuussaaq aammalu aningaasaateqarfiup Kalaallit Nunaanni angerlarsimaffiani najugaqartuussalluni. Direktørip malittarisassat najoqqutaralugit siulersuisunit saqqummiussat naapertorlugit sulisussaavoq. Siulersuisut Kalaallit Nunaanni angerlarsimaffeqartussaananermik piumasaqaataasumut pisariaqalerpat immikkut akuersissuteqarsinnaatitaapput.

Imm. 2. Direktørip isumagisassaraa aningaasaateqarfimmi aningaasatigut ingerlatsinerit pillugit allattuinerit inatsisitigut pineqartut pillugit maleruqaqqusaasut naapertorlugit ingerlanneqartarnissaat nakkutigissallugu, taamatullu ainngaasaatigisanik aqutsinerup isumannaatsumik ingerlanneqarnissaa isumagisassarlugu.

Imm. 3. Aningaasatigut ingerlatsinermi nikisitsinerit, aningaasaateqarfimmi atugaasut naapertorlugit immikkuullarissutut taasariaqakkat imaluunniit sunniutilerujussuit, direktørip aatsaat iliuseqarfigisinnaavai siulersuisunit tamanna pillugu pisinnaatinneqareernermigut, tamatumani siulersuisut aalajangernissaat aningaasaateqarfiup ingerlatsineranut annerusumik akornutaasusaaanngitsumik utaqqineqarsinnaasimatinnagu. Siulersuisut, taamatut toqqammaveqarluni aalajangiisoqarsimatillugu, aalajangiineq pillugu ingerlaannartumik nalunaarfigineqartassapput.

Imm. 4. Direktørip isumagisassaraa soraarnerussutisiaqalernissamut ileqqaarutissat il.il. pillugit naatsorsuinermi najoqqutarineqartartussat pillugit paasissutissanik aningaasaateqarfik naammattunik pigisaqartissallugu.

§ 13. Inatsisitigut akisussaaffigisaqarneq.

Aningaasaateqarfik inatsisitigut akisussaaffiligaavoq, siulersuisunit tamarmiusunit siulittaasoq direktionimit ilaasortamik ataatsimik peqateqarluni imaluunniit siulersuisunut ilaasortat marluk direktionimi ilaasortaq ataaseq peqatigalugu.

Inatsisinik tunngaveqartumik aalajangiinerit annertunerusut siulersuisunit tamarmiusunit aalajangiiffigineqartassapput.

Imm. 2. Siulersuisut pisinnaatinneqarput inunnut ataasiakkaanut arlariinnulluunniit pisinnaatitsisummik tunniussaqaarsinnaanissaminik.

§ 14. Ukiumoortumik naatsorsuutit kukkunersiunerlu.

Aningaasaateqarfiup ukiumoortumik naatsorsuutai ukiup qaammatai naapertorlugit suliarineqartassapput. Ukiumoortumik naatsorsuutini ilaatinneqartassapput oqimaaqatigiissitsinerit, naatsorsuutitigut angusat aammalu ukiumoortumik nalunaarut, inatsisitigut maleruaqqusat naapertorlugit suliarineqartartussat.

Imm. 2. Ukiumoortumik naatsorsuutit siulersuisunit, direktørimit aamma kukkunersiuisu-mit, taakkualu ukiumoortumik naatsorsuutitut oqaaseqaataat ilanngullugit, atsiorneqartassapput. Ukiumoortumik naatsorsuutit ataatsimeersuarnermi akuerineqareeraangata kikkunnut tamanut aningaasaateqarfiup internetikkut quppersagaatigut takoriaannagassanngortinneqartassapput.

Imm. 3. Aningaasaateqarfiup naatsorsuutai kukkunersiuisumit naalagaaffimmit akuerisaasumit ataatsimeersuarnermi ukiumoortumik toqqarneqarsimasumit kukkunersiorneqartassapput.

§ 15. Aningaasaateqarfiup aningaasaatai taakkualu inissinneqartarnissaat.

Aningaasaateqarfiup isertitaqaatai tassaapput: soraarnerussutisiaqalernissamut akiliutit, erniat aammalu aningaasaliissutinit, kingornussarsianit ilaasortanillu allanilluunniit tunissutigineqartunit il.il. iluanaarutit.

Imm. 2. Soraarnerussutisiassatut ileqqaarutigineqartussanut aningaasaliussassat lov om finansiel virksomhed-imi maleruaqqusat naapertorlugit inissinneqartassapput.

§ 16. Ilaasortat Katersivii.

Ilaasortap toqqortuiffianit (katersaanit) 5 %-it inissinneqarput ilaasortap toqqortuiffianut (medlemskonto). Ilaasortap toqqortuivianiittut (medlemskontoen) aningaasaliissutigineqarput ilaasortap katersasaasa sinnerisa toqqortuivimmi inissisimasut assigerluinnagaanik.

Ilaasortap toqqortuivianiittut, SISAp tunngaviusumut aningaasaataanut ilanngunneqarput, taakkulu ilaasortamut utertinneqarsinnaanngillat ingerlatsivik unitsinneqarpat imaluunniit SISAp akiliisinnaajunnaartutut nalunaarutigineqarpat, akiligassat/akiitsut allat akilerneqareersimatinnagit. Taamaalilluni ilaasortap toqqortuasivianiittut qularnaarneqanngillat toqqortukkat sinnerisut.

§ 17. Sillimmasiissutitut aningaasaateqarfik.

Aningaasaateqarfik aningaasanik sillimmasiissutitut aningaasaateqarfirmut illikartitsisarsinnaavoq. Sillimmasiissutitut aningaasaateqarfirmi pigineqartut

ikilineqartarsinnaangillat. Taamaattumik aningaasat sillimmasiissutitut aningaasaateqarfimmut illikartinneqarsimasut allanut atugassiarineqarsinnaangillat. Taamaattorli sillimmasiissutitut aningaasaateqarfimmi aningaasaatigisat, Finanstilsynip akuersineratigut, sillimmasiissutitigut pisussaaffigisakkut annaasimasinnaasat matussuserneqarnissaannut imaluunniit ilaasortanut allatigut iluaqutaasussanut, atorineqarsinnaapput.

§ 18. Aagqiaigiinngissutit.

Aningaasaateqarfiup inuullu soraarnerussutisiassaminik piumasaqaateqarsinnaatitaasup akornanni isumaqatigiinngittoqalersillugu, soorlu soraarnerussutisiarineqartussat annertussusissaat pillugu, aningaasaliissutaasimasut utertinneqarsinnaanerit pillugu imaluunniit aningaasaateqarfiup allatigut ingerlatsinera pillugu isumaqatigiinngittoqalersillugu, siulersuisut aalajangiinerat atuuttussaatinneqartassaaq. Piumasaqaateqarsinnaatitaasorli pisinnaassaaq eqqartuussivinnut suliaq pillugu ingerlatitseqqiisinnaanissaminik - siulersuisut aalajangeereernerisa kingorna qaammatit pingasut qaangiutsinnagit.

§ 19. Ilegqoreqqusat allanngortinneqarsinnaanerit.

Ilegqoreqqusat allanngortinneqarnissaat pillugu aalajangerneq ataatsimeersuarnermi aalajangiinerussaaq. Aalajangiinerlu aatsaat atuuttussanngortinneqarsinnaavoq taasinerit pingasorarterutaat marluk (2/3-ii) tunuliaqutaralugit tamanna akuerineqarsimappat. §§-ni, 2, 3, 10, 11, 19 aamma 20-mi aalajangersakkanik allannguinerit aatsaat atuuttussanngortinneqarsinnaapput, taamatut aalajangiinerit kingorna, SIK aamma Naalakkersuisunit taakku akuerineqarpata.

Aammattaaq allannguinerit Erhvervs-styrelsimut nalunaarutigineqartassapput, nalunaarullu ataatsimeersuarnermi taamatut aalajangiisoqareernerata kingorna kingusinnerpaamik qaammat ataaseq qaangiutsinnagu tassunga nassiunneqareersimasassaaq.

§ 20. Aningaasaateqarfiup atorunnaarsinnera.

Aningaasaateqarfiup pigisaanik akiligassaanillu ataatsimoorussamik soraarnerussutisiaqalernissamut imaluunniit sillimmasiisarfimmut aningaasaateqarfimmut allamut isumagisassanngortitsinikkut atorunnaartussanngortitaaneritigut pinnani; aningaasaateqarfimmik atorunnaarsitsineq pillugu aalajangerneq aatsaat pisinnaavoq ataatsimeersuarnerup aalajangerneratigut, tamatumani taasinerit ikinnerpaamik 2/3-ii tunuliaqutaralugit taamatut aalajangiisoqarpat, taamatullu aningaasaateqarfiup siulersuisuini taasinerit 2/3-ii tamatuminnga isumaqataappata aammalu atorunnaarsitsinissaq sulisartut sulisitsisullu tungaanniit kiisalu Finanstilsynimit akuersaakkamik akuerineqarpat.

Imm. 2. Taamatuttaaq aningaasaateqarfiup atorunnaarsinneqarnissaa pisinnaangilaq ilaasortat ataasiakkaat akuersaarsimatinnagit, tamatumani aningaasaateqarfimmi sillimmasiunneqarsimasut soraarnerussutisiaqalernissamut aningaasaateqarfimmut imaluunniit sillimmasiisarfimmut allamut inatsisit atuuttut naapertorlugit isumagisassanngortinneqarsimatinagit.

Malittarisassat uku 1. august 2026. atuutilerput.

SISA-p siulersuisui:

Jess G. Berthelsen (Siulittaasoq)

Peter B., Mølgaard

Sofie Svendsen

Nina Movin

Benjamin Kielsen

Else Jonna Lange

Karsten Lyberth-Klausen

Kunuk Olsen

Torben Aasberg